

養素堂文集

養素堂文集卷三

荅威張 謝介侯

序一

擬周公城名錄序

伊昔太昊之時紀侗定中邦而置邑亦越神農之代白阜
度地紀以脩城蓋安壘而設九宮營衛斯建圖形而甄四
海屏藩以興况康回竊冀方安可無睥睨之備補遂千皇
畧是宜有閭閻之防然則城之名也尚矣唐虞之際厥功
彌劬表提封以分區宇判山河而攷井疆釐下土方別生
分類禹之經啓九道疆攻弱守乃招責于東里槐湯之藏

匿五兵遷社國鄣不必訪于北門側降及姬氏運值殷衰
避狄而踰梁山成都而宅周邑相陰陽觀流泉此公劉之
所爲擇地利也設皋應立冢土此太王之所爲壯奧居也
迨至魚躍舟而捷毋野烏流屋而定鎬京建十二州山川
分雩戎之位封八百國茅土奠磐石之宗乃復兆卜于東
瀾西瀝顧瞻于三塗四嶽宅中圖大正表景于儀臺時和
路均輯共球于侯服而乃晝吐哺以延士夜仰思而著書
捐悶成編詎滿生之能贊周髀挾筴或商高以相參乃益
發經緯之文遂博綜廣輪之數上滌軒皇之膺命旁稽風
后之受圖割地置州分畫野準大易之設險基跼雲屯

補職方之專司風同俗異星分天上察祥異于保章位正
寰中列經環之軌度六合之外收之目前萬里而遙羅于
尺幅此城名錄之所由作與回憶謳聲響響泛曲水之羽
觴定鼎登壇賜孟岐以玉笏何其懿也况夫車造指南誰
迷記里之鼓舞成三象又貢越裳之禽蒿成柱而爲宮梓
夢庭而伊瀝不有箸佗何見勤勞可知鷺埃烏亭後人沿
泥封之制犬牙魚齒列國肆蠶食之懷均失宗子之靈徙
深下泉之慨公之爲是錄也四海淨塵九塗榮鏡宅里斯
表命次子以釐郊善惡不齊策畢公以分里備以無患安
不忘危吉協食龜制準飛雉上以繼祖宗荒度之功下以

示子孫藩翰之計豈徒弛兵墮守恃有金于聖人將以伏莽升陵著復隍之炯戒云爾

輯子夏易傳序

粵自畫啟方牙卦璽伊軌河圖之學日月爲昭泊赤烏肇瑞增以六爻黑帝感精贊之十翼天地之房發萬物之基堅而後彈日鈞天不得誕言后羿取魚士澤無復假託成湯矣然施孟梁高度鄭焦費源流既異門戶遂繁趙賓荻茲竟易箕子耶覲分日亦引中孚豈非荒裔說京籌帳望嘻笑雲初續高祖虛想于思者耶夫絳衣簪筆而拜辰孝經授之曾氏赤氣履麟而蒙耳春秋傳於丘明可知束脩

薦蹲龍轡欵接舍簪乃得提與義受微言有造郗之真無
傳譌之弊然則序詩蘭論於四始讀書與問夫七觀復以
銀手如斲之才獲擊鐵鎬屢摧之旨飛聲文學豈其然乎
或者謂理欠淵懿間撫盲左之文字多缺殘又約王弼之
注不知九師最近僅畱飛遞片詞三墳無多不過老生常
語况陳編旣闕夫年代精奪定蝕於蟲魚若其闕合丘明
兼通嗣輔殆今之準古亦後之襲前而程迥壁設孫坦目
論將璽等奏高密之韶樂呂望竊田恒之齊疆矣又或謂
班固執文十三家未列隨唐志後十一卷忽存真面非必
廬山贗物將同岑鼎不知溘茫末年泰誓得諸女子太康

初載紀年發自襄王旣斷簡之可珍亦晚出之有數彼晁
迂指爲張弧之小疏劉歆志爲韓嬰之緒言張璠傳聞作
於馯臂荀勗簿錄著自丁寬亦復未有明徵聊騰臆說而
孫坦疑杜蕃陽之楮墨汝棣斥鄧彭祖之篇章徒以名字
相犯揣擬斯生豈知平陵周公何嘗纂修五禮扶餘曾子
未得質問三年爰子路之衣冠不必佩螭陳仲弓之父子
豈爲犁牛哉嘗按家語云孔子讀易至損益喟然而歎子
夏避席而問知卜氏子好精微不讓商子木也審矣嘸陋
儒之妄議啟世主之輕聽忽發大疑坳會之說紛起未能
專業正經之帖求停詎高行之師有慚翟白喪明而後未

育童烏著錄雖盛西河趨庭未預兮草遂令中壘略內僅
志其名阮逸錄中從存其目同老成之難信等酒誥之俄
空豈非後起者之責與澍溺苦儒先從事粹薈尋遺珠於
赤水鑑遜離朱問故劍於青丘識昏薛燭太圭雖斲篆是
弁珣靈藥卽殘鍊從金母詎偕敝帚委乃煙埃是用展翫
數言省循立意實孟京之嚆矢亦馬王之濫觴有媿郭京
無能舉正所慚王勃固知發掬端門之血書何存恍如證
已亥於晉史韋編之餘訓尚在猶勝詢未濟於緇翁

小序翼題辭

小序子夏作也何以明之爾雅釋詁爲周公作釋言以下

子夏之徒但其所釋多係詩文是子夏精訓詁在孔門以
善言詩稱故但小序也詩辭深遠悒渺義微有似美而實
刺或似刺而實美微序其何由知之子夏本國史之遺文
而著之爲序則論其詩可以知其人矣自唐韓愈謂子夏
有不序詩之道三疑其爲濫儒坳託宋歐陽永叔王安石
蘇軾濱鄭夾漈朱仲晦程大昌王質等爭措擊之各立異
說而詩之本意遂失觀濫儒文章及解經多本小序如司
馬相如雖蜀父老云王事未有不始於憂勤而終於逸樂
此用魚藻序班固東京賦云德廣所及此用濫廣序劉向
止成帝書引愠於羣小而申之曰小人成羣亦可愠也此

用柏舟序小人在側語楊震疏朝無小明之悔此用小雅
大車序大夫悔仕於亂世語瀝書樂志勺言能勺先祖之
道也此用酌序服虔左傳解誼云秦仲始有車馬禮樂之
好侍御之臣戎車四牡田狩之事此用車鄰騶鐵序李尤
刻漏銘挈壺失職刺流在詩此用齊風東方未明序宋衷
世本注哀公荒淫田游史伯還詩以刺之亦是用小序蔡
邕寫石經雖本魯詩而獨斷所載周頌二十一章其序與
毛詩皆同魏志詔曰忠厚仁及草木則行葦之詩伯固不
獨黃初四年詔程曉疏語用曹詩刺共公遠君子近小人
之語也吳韋昭國語注大半用小序可知小序之行世久

矣卽孟子說北山之詩曰勞於王事而不得養其父母卽用小序是孟子曾見小序引之班固瀛書云毛公之學自謂出於子夏陸璣詩疏云孔子刪詩授卜商而爲之序以授魯人曾申申授魏人李克克授魯人孟仲子仲子授根牟子根牟子授趙人荀卿卿授魯國毛亨亨作訓詁傳以授趙國毛萇萇德明經典序錄云徐整曰子夏授高行子高行子授薛倉子薛倉子授帛妙子帛妙子授河閒大毛公爲詩訓詁傳傳於家以授趙人小毛公二說言授受雖異要皆傳自子夏也鄭卒釋南陔曰子夏序詩篇義合編遭戰國至秦而南陔六詩亡毛公作傳各引其序冠之篇

首可證序出子夏也况荀卿之解周行解如組解鳴鳩在桑解無將大車均與小序同韓詩外傳引荀卿說詩者四十有四是其師說相傳非無自矣豈東海衛宏所能作哉敬仲在毛公班固之後與康成略先後豈有知其手而冒加之卜商哉至於引高子仲梁子孟仲子則講師所增益康成曾言之而戴埴以序爲毛公作蓋竊魏徵之言子夏所創毛公及衛宏又加濶益耳愚以世儒之廢棄之也因從事於斯凡毛傳鄭箋孔穎達疏以及宋人呂氏祖謙嚴氏粲范氏處義蘇氏轍黃氏櫟李氏樗曹氏粹中王氏應麟及

國朝顧安從陳啟源徐文靖諸人論詩有與小序相發明者咸采輯之若姜白巖炳璋以序首句爲子夏作下皆漢儒埒益隔一字書之多所斥駁大抵沿宋蘇轍明朱謀璋張次仲朱朝瑛之餘論不足爲據其詮釋有明確者亦時采之至明郝敬何楷雖多新說擇其與序附離者入之若子貢詩傳申培詩說本係豐坊僞作無如淺人信從莫覺其非惟毛氏奇齡駁斥無遺亦附錄焉蓋所以章其叛序之罪也至三家詩說暨劉向說苑新序列女傳班固白虎通賈誼新書董仲舒春秋繁露與小序相出入者搜舊備載耿耿之見亦加按語別之藉正世之拚羣雅者

分言之其實散則通稱矣漢太史公司馬遷脩史記因周
謹明世家多采世本然春秋正義云今之世本與司馬遷
言不同劉向云世本古史官明於古事者所記錄黃帝以
來至春秋時王侯諸國世卿大夫系諡名號與左氏合也
唐史柳沖傳載柳芳言亦然顏之推據皇甫謐帝王世紀
說爲左丘明所纂楊泉物理論楚漢之際有好事者伯世
本上錄黃帝下逮秦漢劉知幾史通云楚漢之際有好事
者錄自古帝王公侯卿大夫之世終乎秦末號曰世本又
云世本辨姓著自周室劉恕通鑑外紀以爲世本經秦歷
漢儒者改易孔穎達尚書正義以世本經秦爲儒者所

亂是此諸本已晉杜預采世本以爲春秋世族謚然亦旁引傳記不盡依世本也要之係秦漢以前書中壘孟堅以爲出古史官者近之班彪以爲十一篇劉向叙錄中秘書以十五篇爲二卷索隱亦以爲十五篇隨經籍志因之云世本王侯大夫謚二卷劉向纂纂云者纂集之非作也觀更生嘗自言爲古史官所記可知矣隨志又有世本四卷宋衷纂衷蓋注而廣之也王侯大夫謚云趙孝成王丹生悼王偃偃生今王遷是作者值趙王遷時且司馬遷已采用豈劉宋二人所作乎隨志云漢初得世本而漢又有帝王年謚是已然其書自宋時已不傳鄭樵纂氏族畧王伯

厚纂姓氏急就章所引寥寥皆采獲他處不見本書故耳
余繙閱細帙有引用者輒著錄之乃集得伯篇氏姓篇帝
繫篇王侯大夫謹篇共五篇聊以管穴裨益宋注其有聽
熒亦從爾如庶幾存此一綫異日博雅之士因其條薈增
補缺畧亦古籍之幸也若顏之推謂此書有燕王喜瀝高
祖殆非本文蓋亦如神農本草有豫章朱崖趙國常山等
郡縣歸藏黃帝書而坤啓筮有堯降二女以妃舜之語化
益山海經有長沙零陵桂陽諸地名周公伯也正有張仲
孝友孔子作春秋而曰孔丘卒李斯作蒼頡篇有瀝兼天
下海內并厠豨黥韓疆討畔滅殘皆爲後人所羈云

世本後序

吾觀天老五姓之對河圖記姓之篇中候賜姓之文家語
本姓之解咸言氏姓卓乎有聞蓋古者聖人吹律定姓以
協五音司商掌旅協姓以定其名瞽矇世奠繫小史復辨
其昭穆宗伯掌禮秩宗祝復等其親疏厥事綦重本原係
焉楚三閭掌王族以厲國士晉九宗叙世繫以守宗祊史
伯之述祝融以柔生嘉材申叔之告太子以昭明廢昏此
能言吾祖鄒子見師不識其先籍設見笑也與司馬遷爲
史記旣効周謹實依世本大戴禮紀帝德雖次帝繫亦原
世本韋昭注國語根氏以考其流士安伯世紀采擇以淵

其源其記春秋名氏與左傳相符孟堅謂其叙黃帝以來
爲古史所錄蓋得其實矣彼孫卿血脈之誦管寧姓氏之
歌潛夫氏姓之志應劭姓氏之篇要皆因襲此書非同創
造也漢初得之倣爲劉氏承堯皇甫著書出於丘明之手
綏和元年以世本相發明封孔子之後康成駁義以世本
言姓氏分上下之別亦復援以爲據信其有徵也而或指
爲劉向所纂何以腐遷先采其言或又以爲宋衷所編不
知仲子實廣其注故劉向以爲經秦漢儒者改易斯爲確
論傳異乃謂秦漢好事者所作未爲知言矣若子雲家牒
薛綜宗圖聊氏姓誦承天姓苑杜預世族之書摯虞族姓

之記賈家之要狀英賢王儉之百家集謚又因世本而踵
事者也至元魏從尚門地是三桓賢於四科矣李唐競誇
閹閹而冠冕混於卑隸矣彼林寶纂元和不知已姓之由
來夾際以爲噓息義府廣類例乃以勛功升謚限薦紳目
爲勲格何能如魯之眾仲晉之胥臣鄭之子羽楚之射父
乎余旣痛錫姓之義不著常補風俗之佚文念罔謚之說
不明用傳世本之古籍云爾

張太常集序

兩漢重經術各守師法要皆能見諸施行通禹貢者塢流
精鴻範者禳禬非猶夫後世之撮囊也景帝時丁翁銅寬

距吳楚有功蓋嘗從田何受易作易說三萬言矣桓靈之
世涿郡盧植師事馬融學好學精作尚書章句三朞解詁
故其守九江則蠻寇賓服官北中郎將屢破黃巾皇甫嵩
資其規謀抑何才兼文武也然明以賢良爲將率卒使與
韃伯德服乃威化屠各鮮卑失其酋豪以視子襄子幹勲
伐頡頤非由學該羣籍兼持志節用能還錄大功兩門守
靜乎獨其記難章句不傳於後弗知朱仲威之源淵以爲
曠息隨唐志載太常卿集二卷本傳言所著銘頌書教誠
述志對策章表二十四篇余采輯羣書都爲一卷其子伯
英文舒書銘亦附於末

段太尉集序

新豐侯以號鬪之氣摧驍桀之虜慰國殤之魂申府堂之
威在安瀛世實無其儀獨恨黨圉陰臣芟餘正類仇敵齎
祿罔能句廉勲伐雖茂終殃其身蒙無取焉今葉其疏奏
俾疊易之吏得籌邊之方激敵愾之心守死綏之義亦所
以龜鏡將來不沒其實之意耳隨唐志無太尉集茲就范
書東觀記舊得四篇

皇甫司農卿集序

鳴序桓靈之亂極矣耶蠱姦鋒充物朝宇而魁儒碩士牢
戶填尸卽微纖夸猾夏潢池弄兵而宮樓麋鹿厥兆章矣

皇甫氏爲國禦侮屢殲彊敵薦紳歸仰旣免宦孽可不謂
智壽乎况乃文成后畫可見施行忠審之風溢於楮墨不
得眎爲浮藻飽彼蟬螽也阮孝緒七錄云司農卿皇甫規
集五卷隨唐二志卷數亦同本傳言所著贈銘碑贊禱文
弔章表教令書檄牋記凡二十七篇今輯得十一篇而趙
壹報書蔡邕薦章然綴諸末

周生烈子序

按魏志周生烈敦煌人魏初徵士裴松之注云姓周生名
烈陸德明經典釋文字文逢本姓唐魏博士侍中其說本
之七錄論語序疏作文逸然敦煌實錄云魏侍中周生烈

本姓唐外養周氏因爲姓是又非複姓也所箸周生烈子
一名周生子十六國春秋且渠茂虔永和五年遣使如宋
表獻方物並獻書一百五十四卷內有周生子十三卷卽
是書也隨志周生烈子要論一卷錄一卷魏侍中周生烈
纂唐志儒家周生烈子五卷蓋已非茂虔所獻之原卷矣
意林引周生烈子四條其自序略云六蔽鄙夫敦煌周生
烈字文逸張角敗後天下潰亂哀苦之閒故箸此書以堯
舜伯幹植仲尼伯師誠云余以其書皆讜言正論雖賸羽
殘柯不忍弃也輒錄存之

瀛皇德傳序

漢書文苑傳侯瑾敦煌人按漢記纂中興以後行事爲皇
德傳三十篇宋書且渠茂虔獻皇德傳二十五卷隨志正
史類皇德紀三十卷唐志同傳作紀疑誤按瑾字子瑜漢
末博士傳內學預知涼州城西泉水嘗竭有雙關起其上
有霸者出後其言皆驗見王隱晉書與前涼錄而初學記
引嫫母上玉堂詩一句太平御覽引箏牋二十九句隨唐
志有侯瑾集二卷今不傳皇德傳起光祿至沖帝亦復墜
沫今錄存五則若太平御覽卷八百二十九引漢皇德頌
曰侯瑾字子瑜敦煌人少孤貧依宗人居性篤學恒傭作
爲資莫還輒焚柴讀書此書卽子瑜所作不當載已事當

是皇德傳前之述序也

補風俗通姓氏篇序

晉春秋時周之史伯魯之眾仲鄭之子羽晉之胥臣楚之觀射父皆著言族姓爰黃以來如指諸掌而以姓氏著書傳後者周則有左丘明世本之姓氏篇戰國則有荀況之血脈謹遠則王符潛夫論之民姓志鄧氏官謹潁川太守聊謀之萬姓謹徵君管寧之姓氏歌斯爲最古而泰山太守應劭風俗通姓氏篇繼之溯厥所祖推究夏改雖有增會大致典牘惜其篇散逸不爲完書馬總意林原有風俗通姓氏之篇今亦闕如予於輯世本之暇輒按簡尋牘粹

舊成帙復以穴管正其疏漏後見抱經盧氏羣書拾遺亦輯此篇殊多漏略聊復彙布貽之同好云

三輔決錄序

史通書志篇云謹牒之伯盛於中古漢有趙岐三輔決錄晉有摯虞族姓記江左有兩王百家誼中原有方思殿格蓋氏族之事盡在是矣補注篇云若摯虞之三輔決錄陳壽之季漢輔臣周處之陽羨風土常璩之壽陽士女文言美詞列於章句委曲叙事存於細書按歧纂決錄据其自序並晉人徵引逸篇其書不類謹牒至摯虞之注與陳壽等三書亦不相侔劉氏所考未爲精隔大抵簡者爲錄詳

者爲注又決錄多作韻語卽史通所謂文言美句也諸書
徵引錄與注不盡分晰余鈔撮特分別之隨志七卷舊唐
志十卷故多於前今定爲二卷

三輔舊事序

唐志地理類有三輔舊事三卷不著纂人名故事類有韋
氏三輔舊事一卷然按漢書郊祀志注引建章宮承露盤
仙人掌續漢書祭祀志注引長安城東靈星祠史記始皇
本紀索隱引聚天下兵器鑄銅人後漢書盆子傳注引長
安城中有藁街或稱三輔故事或稱舊事而初學記執文
類聚諸書亦故事舊事互引隨志稱此書纂自晉世故梁

劉昭已引其辭唐志題爲韋氏据後漢書韋彪傳肅帝數
召彪入問三輔舊事禮儀風俗彪因建言追錄高帝中宗
功臣彪箸書十二篇號韋卿子然括地志引村畱事言魏
太祖馬驚畏舊事不必爲韋氏所箸以韋氏自有京兆故
事也又文選西京賤注引建章宮北佗清淵海陶徵士誄
注引四皓秦時爲博士避於上洛熊耳山二事稱三輔三
代故事誤衍二字耳其書大抵與漢官闕疏三輔宮殿簿
漢官典職三輔黃圖漢舊儀漢廟記同體

三輔故事序

按三輔黃圖云荅帝太初元年改內史爲京兆尹以渭城

已西屬右扶風長安已東屬京兆尹長陵已北屬左馮翊
以輔京師謂之三輔又置三輔中輔治寧陰左輔治高陵
右輔治鄠兼三都尉亦曰六輔胡廣漢書解詁云三輔典
境理人與守職同而俱在長安城中又置司隸校尉三輔
咸屬此三輔建置始末也而隨書經籍志三輔故事晉世
纂二卷唐志則云三輔故事纂自袁郊其言殊無左證然
諸書皆舊事故事互引莫得而縷分之余就所引別錄各
爲卷帙以脩省覽

帝王世紀序

皇甫氏胡爲而有帝王世紀之作也曰以補司馬遷之闕

據隨志十卷唐志則十四卷十六國春秋十卷史通雜述
篇云郡書如常璩之詳審爾駟之該博能傳不朽見稱來
裔又云地理書者若朱贛所采浹於九州爾駟所書殫於
四國斯則言皆雅正事無偏黨顏師古瀝地理志注多引
之其言曰中古以來說地理者多矣或解釋經典或纂述
方志競爲新異妄有穿鑿安處坳會頗失其真今並不錄
獨有取於爾氏可知其書之精審矣所惜散逸不傳他書
徵引者亦復寥寥余按集傳注都爲二卷旁采傳記以疏
通之卒陰之伯於是粲然矣

西河舊事序

按漢武帝太初四年開荏威郡故匈奴休屠王地也太初
元年開張掖郡故匈奴昆邪王地也是年又開酒泉郡俗
傳城下有金泉味如酒也後元年分酒泉置敦煌郡卽古
瓜州地允姓戎所居也昭帝始元六年置金城郡初築城
得金故名一曰稱金取其堅也此所謂河西五郡當時以
斷匈奴右臂者式觀豬塋大澤禹蹟猶存龍夷荒城陝流
自繞彌干川土肥如髓時羅漫酪美瀉酥市日四合畜牧
蕃滋信浩穰區哉而瓜大容狐海深出馬雪積百丈沙流
萬里駝麝甕耶羔羊鼓臍帝江歌舞神鳥圖形爍得千金
隄居延遮虜障石漆濃如脂膏金山石成牛馬抑何荒恠

瓊奇與若乃多吐燕墜簡邊耶吞敦煌薦飛魯般楔擊軒
皇拜道於空桐王母梯几於縣圃魚澤障前樞不意效穀
龍勒山腹李廣利刺泉以及周生然明之經學趙敞郭磨
之執術郅奇麗消之忠孝日禪文和之才幹並皆靈幻殊
特聞之者咸欲命駕往尋討幽采異何珥筆奮藻者之寥
寥乎隨唐志地理類有西河舊事一卷不箸作者姓名今
其書已亡予按集若干條彌惜其闕略矣

涼州異物志序

按隨志後漢議郎楊孚纂異物志一卷一云交州異物志
水經注引伯南裔異物志吳丹陽太守萬震南州異物志

一卷朱應扶南異物志一卷唐志沈瑩臨海水土異物志
陳祈暢異物志各一卷房千里南方異物志孟瑄嶺南異
物志各一卷又文選注引譙周異物志卽史記正義所引
已蜀異物志也文選注又引薛瑩荆楊已南異物志一切
經音義引薛翊異物志隨志伯薛翊晉書續咸著異物志
十卷太平御覽類聚引曹叔雅異物志太平寰宇記
引伯叔雅廬陵異物志蘇頌本草引徐衷南方異物志太
平廣記引郭氏異物志史記正義又引朱膺異物志是異
物有志在晉繁矣而涼州異物志籍於隨唐志隨一卷唐
二卷博物志水經注引伯涼土異物志憺不傳伯者姓字

觀其寫致敷詞頗諧聲律采藻精粲方諸萬氏又求嘗不
歎其散佚也宋膺異物志隱匿鮮章史注所引多說西方
且月氏羣尾文與涼州異物志全同太平廣記引涼州異
物志羣子生土中文又與宋膺異物志同疑涼州異物志
卽宋膺所纂漢晉之際姑臧宋氏多顯者敦煌宋氏俊才
如林文采多麗瑩其然乎然無左證未能質言耳大抵係
魏晉閒人所箸閒有晉註仍舊存之偶得事比亦埒於宋
聊廣異聞云爾

涼州記序

考隨志僞涼右僕射張諮纂涼記八卷記張軌事唐志作

十卷世說引張資涼州記又僞涼大將劉景
纂涼書十卷亦記張軌事史通外篇云前涼張駿十五年
命其西曹邊濶集內外事以付秀才索綏伯涼國春秋五
十卷張重華護軍將軍劉慶在東苑專修國史二十餘年
纂涼記十二卷又云建康太守索暉從事中郎劉昞各纂
涼書昞卽景唐諱丙改作景後魏書高謙之傳謙之以父
舅氏沮渠蒙遜曾據涼土國書闕漏謙之乃修涼書十卷
宋書大且渠傳元嘉十四年茂虔表上獻涼書十卷史通
又云宗欽涼記記沮渠氏隨志有拓跋涼錄十卷無纂人
名唐志入編年類史通外篇云失名記禿髮氏若段龜龍

涼州記乃記呂光事也。菟文類聚初學記太平御覽諸書引或作西涼記或作涼州記。隋唐志皆云十卷。余輯得二十餘事。內有張諮涼記二則。赫連氏涼書三則。蒙遜涼書二則。均附於末。

補敦煌實錄序

按敦煌舊記曰國當乾佐地列良墟水有縣泉之神山有鳴沙之異川無蛇虺澤無虎兕羣戎所支一都會也宜其瓊寶駿質遑躒星羅汗簡垂名。仵程遐世而史通外篇曰敦煌僻處西域求諸人物自古闕載旣而劉昫裁書則磊落英才粲然盈牖可知夜光之璧不經拂拭與瓦石無

養素堂文集

卷三

三

殊尤異之賢不爲表章亦隨草木同腐矣彥明之箸是錄也豈直陽羨風土競說美麗寧陽士女專紀節烈哉將與臺卿決錄辯朱紫之攸分黜虞族姓析善否之本原同其謹密無忝作者矣後魏書劉昫傳昫箸敦煌實錄十卷隨志十卷唐志二十卷今散逸久矣余恐前詰芳規蕭落無徵而學侶媿脩罔知考鏡爰甄綜羣籍原書存者勵十九條乃據漢魏晉書及十六國春秋魏書隋唐五代諸史補若干人如涼錄侯瑾傳與實錄文字無異可知崔鴻之書悉本劉氏也所恨索緯隴西人物志趙苌孟河西人物志湮沫無傳不得躡覽具知先賢懿嫻也爲之太息

西河記序

按隨唐志西河記二卷元和姓纂東晉有喻歸纂西河記三卷廣韻作二卷喻作諭晉書唐志缺纂人名蓋記張重尋事也十六國春秋晉遣侍御史喻歸拜張重尋護羌校尉涼州刺史假節重尋謀爲涼王不肯受詔使親信人沈猛與歸言歸折之西河記作於此時也存者祇數則余撮而錄之以備佚簡姑臧記二事並附于末

沙州記序

按魏書阿豺子自號沙州刺史部內有黃沙周回數百里不生草木因號沙州宋新亭侯段國所纂沙州記卽唐志

之吐谷渾記也原二卷今逸闕甚多特就所見錄之又鈔
太平寰宇記吐谷渾始末以補其闕

養素堂文集卷四

荅威張 澍介侯

序二

編輯諸葛忠荅侯文集序

按蜀志本傳諸葛氏集目錄二十四篇凡十萬四千一百一十二字晉書陳壽傳壽纂蜀相諸葛亮集奏之卽蜀志二十四篇也非獨裒其文並其言與事而亦載之隨志諸葛集二十五卷唐志二十四卷中興書目亮集十四卷後二卷錄傳及碑記其前十二篇章句頗多字數乃少明王士禛集荅侯全書二十卷楊時偉以王書蕪累重纂諸葛

忠荅全書十卷亦無財擇本朝朱璘輯諸葛忠侯集二十
卷遂寧張鵬翮之忠荅志金襲之庸俗詩文盈汙篇牘侯
之箸作反多遺漏張氏又增白浮鳩一詩乃吳人苦孫皓
之暴而吟者亦混簡編其疏可知澍擦采散逸較諸本增
益倍徙編文集四卷附錄二卷別纂諸葛故事五卷都爲
十一卷而論之曰

諸葛氏之相季漢也九州鼎沸尺土無階決策投眊式啓
疆寓赤兌之曰再中謹慎之懷彌固謂非伊呂同儔而管
樂爲伍哉觀其討賊自効北出南征將窮能力於瘡痍之
鄉脫赤子於豺狼之吻會師七禽祁山六出獲懾天威懿

甘巾欄斯其將畧何如耶若乃託孤受寄忠盡篤斐主不
疑偏下不忌傾吏革姦頑民安勞苦殫心無輕重之倚峻
法泯秋毫之怨此賢愚咸忘其身仇敵亦仰其治與儻天
心祗灑火井復然虎視龍驤吞吳并魏絲金刀之甲子拓
玉壘之山川吾知禮樂可興刑法可昔雖畱侯之贊草創
高密之翊中興亦難方茲籌策竝乃宏規何以謂濱之師
未捷郭塢之星遽隕黃皓嬖子箕舌遂張譙周老臣降表
斯送豈非數哉彼崔浩纖生笑其委棄荊州退入巴蜀誘
奪劉璋僞連孫氏守窮崎嶇之地僭號邊陲之間可與趙
作爲偶難與蕭曹爲亞是乃不知時勢之莠言也若薛能

吟詩嫻其才薄呂溫作記訾其昧義俞文豹責不忠于溼
比諸盆子葉龍泉爲習學之記儕于公孫尤爲警說不臣
置辯矣昔司空張粵謂李密曰孔明言教何碎密曰昔舜
禹皋陶相與語故得簡大雅誥與凡人言宜碎孔明與言
者無已敵言教是以碎耳嗚呼讀忠孝文者當以是求之

陰常侍詩集序

吾涼陰氏父子若孫皆擅文采兼通經義不徒以官閥稱
也觀荀濟贈陰梁州大詩曰詩酒悅風雲琴歌愛桃李又
鄧鏗有和陰梁州闋怨之作則幼文之能詩可知矣其子
鏗以清麗之格與何遜齊名而孝穆子山竝深懃服梁陳

之際蓋一作者鏗子瀨官虎門博士箸瓊林二十卷瀨子
宏道官臨渙令雜采子夏孟喜等十六家之說爲易新傳
疏十卷春秋左氏傳序一卷今瓊林易傳疏春秋傳序湮
沫無傳而子堅詩句猶得於塵邈之餘畱其光氣雖散逸
過半精粦不存而尋其梗概可於灰裏撥之宜爲少陵野
老吟誦不置與余從文苑英粦及諸類書裒舊得三十五
首較馮北海詩紀多一篇復參校其字之同異序而彙之
以餉同好者

李尚書詩集序

昔開元時王昌齡高適王之渙輩風塵未偶貰酒小飲值

旗亭雨雪梨園會譙以歌詩之多寡定名稱之甲乙擲揄
歡噓自鳴得意何似君虞之篇被諸管絃供奉至尊施諸
圖續哉獨其宦塗蹇偃送士登庸怨望陵隲爲時排迨又
未嘗不嘆其狹中也然跡瀼以來仲宣賸從匱祗貢頌謨
靈運送秀才從述懷思惟君虞以爽颯之氣寫征戍之情
覽關塞之勝極辛苦之狀當朔風驅雁荒月拜狐抗聲讀
之恍見士卒踏久而皴瘃介馬停秣而悲鳴詎非才之所
獨至耶其他章句亦清麗絕倫宜與長吉齊名無所媿讓
而征人早行詩最推傑作今已失傳知其散逸不少余按
舊爲一卷授之梓人而道其梗概如此

續黔書序

辛卯之四月余旣改外職七月簪得黔之玉屏客有過予
寓者輒問曰黔之天則蠻煙熨雨黔之地則鳥道蠶叢其
人則紅獐紫薑其俗則鴟張鼠伏宦斯土者惺惺鄙旦之
願旦夕卽去若陋不可居者今子何眎之易而樂往焉予
曰予誠不知人之何以裹足於黔而予之眎黔則猶齊州
也昔者莊蹻盜兵唐蒙畧地而道通滯臥臣屬斯榆迨夜
郎裔王泮柯置守馬忠典郡東謝請朝雖屬羈縻亦奉征
調二路十二都李唐乃有貴州之稱八番十八衛明世而
有專藩之設泉入

聖朝易椎髻而冠裳之桀枿芴而郡縣之劉卬籠而守圉
之百餘年來蓋浸浸乎濟美等風矣且其錄錫兜儔可圖
王會也蘆笙箭鏃可入國風也木瓜金筑沿革可稽也鼉
鼉龍洞幽勝可探也白水碧雲奇情可詠也諸葛禰牙之
地李恢鏖戰之方尹珍讀書之宅山圖尋藥之厓可題楹
而散煩胷也豈僅睠懷遷謫之李白客曰我之所慮者以
其地苗獍叢聚嫫嫫左言不知文字悍獫好殺攻劫畔亂
不可以中國之治治也而子又年少吾是以云余笑曰子
奇之爲阿邑令子其知之矣虞詡之爲朝歌宰我其試之
矣夫狢獠狢獠之屬亦人耳昔也聞干羽而格今則恃爪

牙爲難吾未之能謹也儻使撫綏有方恩威兼濟則可以
致其死力而又奚患之生善乎馬平主簿孔性善之言曰
谿洞蠻獠雖常擾化亂豈無因昔陳景文爲令猺獞皆應
差徭厥後撫字乖方始乃反側誠使守令得人示以恩信
諭以旤福亦當革心而田禾叔亦云邊方之官非有爲不
足戢亂非有守不足服人非久任不能諳土俗是誠治民
之寶鑑也予不敏翬翬孟晉之矣客喜而退知予非徒言
之也今采掇方俗爲黔中紀聞以田霞綸先生箸黔書改
曰續黔書次其言爲序以正鴻筆麗藻之君子嘉慶九年

六月十五日

說文引經攷證序

許叔重說文解字敘云其傳易孟氏書孔氏詩毛氏禮周
官春秋左氏論語孝經皆古文也按漢田何以易授丁寬
寬授田王孫王孫授施讎孟喜梁丘賀喜授白光翟牧後
漢注丹雘陽鴻任升范升楊政皆傳孟氏易而虞翻自其
高祖光至翻五世皆治孟氏易故仲翔孟學爲尤遠孟易
者許氏易學之宗也孔氏有古文尚書孔安國以今文字
讀之因以起其家司馬遷亦從安國問故遷載堯典禹貢
洪範微子金縢諸篇多古文說孔氏者許書學之宗也毛
公趙人也治詩爲河閒獻王博士毛氏者許詩學之宗也

高堂生博士禮十七篇而禮古經五十六卷出壁中有大戴小戴慶氏之學許不言誰氏者許禮學無所主也古謂之禮唐以後謂之儀禮不言記者言禮以該記也周官經六篇王莽時劉歆置博士古謂之周官經許鄭亦謂之周禮不言誰氏者許周禮學無所主也春秋古經十二篇左氏傳三十卷出壁中及張蒼家左氏者許春秋學之宗也論語不言誰氏孝經亦不言誰氏者學無所主也許沖以孝經爲魯國三老所獻建武時東海議郎衛宏所校也試觀許書未嘗不用魯詩公羊傳今文禮然則云皆古文者謂其中所說字形字音字義皆合倉頡史籀非謂皆用壁

中古本明矣余于道光二年入都需次寓錢衍后侍御宅
長夏無事乃取說文所引各經疏通而證明之因知古人
傳授各守師說而不肯倍非如後世之羣雜眾論紛紛聚
訟莫能畫一爰序而藏之以示子弟非敢以質淹雅也

三古人苑序

前史氏曰三古之世塵邈矣而其人亦冥漠居今遙集先
民之謚系里居且苾芟若薈而欲誦其緒言條其佚行如
啓仇而數螺焦蔡而眊墨也不其難哉楚正則云遂古之
初孰傳道之蓋自周末已喟無徵也嬴秦火後典籍蜚灰
子姒姬宗代非遼絕輔攘至密薦紳難言况寢繩枕方倨

倨眊融智故而消化密穆休于太宗泐然邈然人無肆
尋標梟之習不揚聲不像意固宜其閑寂也然儒者揚衡
尚論咸自詡方聞矣訊之以怪義必有而汗仆之以烏明
諂朋而忸引之以允格曲逆而暗詔之以俟來孰哉而曠
則樵夫牧豎轉得而歔歔我章甫亦焉用此折鐫爲苛班
蘭臺成漢書纂古今人表後世多詆譏之以爲甲乙闕錯
也記載扇疏也氏族僂譌也要其綱羅舊文不遺餘力卽
時多差違抑亦屬業未定安得拾子博之餘論以掎撫而
伐智乎病世本之逸闕也久嘗欲有所箸述以備攷稽而
頻年膏秣有志未皇今歲南游金陵將返江夏逢天之暑

思心潭潭舟滯水濱顛羈無友竊念列國族姓備于春秋而幽平以前畧不多見乃自彘睨下訖共和刺取經史傳記中古人之姓氏附以事跡都爲一書名曰三古人苑三古者何禮疏曰上古姒黃中古堯舜下古周文王也事跡章灼者概從節畧其屬幽異載焉爲詳或有誤繆亦加訂正賢否不遺貴賤胥錄匪等玉石雜揉庶覲觀聽炯鑒雖名字不列于正史誕降或淪于恢奇亦編之翰簡所以存昔人之形貺拓曲士之胷懷云爾有晉陶潛讀書不求甚解而佗聖賢羣輔錄余之爲是書也亦猶是意也夫時嘉慶龍集丙寅太歲在游兆攝提格余月池州舟中書

萬物權輿序

按後魏書劉芳傳芳從子懋纂諸器物造作之始十五卷
名曰物祖北史同唐志云吳王諮議弘文館學士劉存與
長史房德懋劉孝孫等集經史諸書以類分門凡二十六
爲事始三卷以教始學諸生唐志又有謝昊物始十卷王
海云後蜀馮鑑采羣書廣孝孫所著續事始五卷宣和中
朱繪以事始疏畧纂事原三十卷又云書目事物紀原十
卷元豐中開封高承以劉存馮鑑事始刪謬除複增益名
類皆援摭經史以推原初始凡二百七十事今物祖事始
事原均不傳惟事物紀原存焉余作萬物權輿旁按經傳

亦乎取劉馮諸書後於廣陵市見事物紀原以價昂未購也茲之所輯盈數百事閒亦據臆糾譌聊存篋衍以告童蒙不佞貢大方也

五涼舊聞序

涼州爲金天奧區自漢唐開辟刺史宣化名賢誰起洎五代割據張氏四世忠晉多士翳舊鬱若鄧林往籍可按已隨唐之際尚多偉人迨宋元則荒愴已甚我

朝文教覃敷玉關以西鬢序莘莘涼州甲科鱗次不繼人文蒸蒸日上而讀書士夫莫規遠大鄉賢之品高學茂堪爲師範者不惟不率而叩以姓氏或且瞢如余懼前哲芳徽曰

就歸落而學侶媵脩固知攷鏡因於翻閱所及輒箸錄之物
誕事奇擴益見聞亦雜記焉用以祛末學之陋云爾

秦音序

詩含神霧云秦地處仲秋之位男懦弱女高腴身白色音
中商其言舌舉而仰聲清而揚劉歆西京雜記云長安市
人語各不同有葫蘆語錄子語紐語鍊語三摺語通名市
語昔楊伯起伯關輔古語荀爽伯漢語惜其書不傳今去
古塵邈矣其事物倂謂屢經變更然尋其指歸多沿于往
昔亦有凡猥俗子隨意杜纂無復典實究其極亦方言之
緒也予于長夏無事刺取羣書爲秦隴人口吻者劄記之

爲一編目曰秦晉亦謂此吾秦人之語云爾

南征記序

昔郭緣生作述征記伍輯之作從征記戴延之作西征記
一曰述征記孟輿伏滔徐齊民均有北征記今簡編雖逸
而佗書所徵引者皆古質簡雅不同近時地理家稱述溷
糞漫無體制也唐李習之有來南記所言水道往往僞誤
余于庚申之冬由湖北之江西之安徽之揚州之蘇州之
浙江幾覽南紀之半風晨雨夕塊獨無朋乃錄所經歷以
資觀省借中書之禿管消客子之光陰援據未能博精摛
詞復不清典知有愧于曩哲或不病于費時云爾嘉慶龍

集彙兆攝提格之舉月彭澤舟中記

蜀典序

嘉慶十七年歲在壬申春大吏請于

朝續修四川通志越二十一年丙子冬書成先是二十一年
乙亥之陽月余被檄署興文卸篆才畢適苦河魚乞假六
旬養疴敘郡困憊之中精神遐漂心勦形瘵靡所濟集聊
欲繫志陳編以消駒景竊念蜀邦文獻近世煙塵古也有
志炳靈載英游目所及涉想所經輒用著錄佐以援證毛
滯之得惡贈友朋迨秋闈赴省志已槩布展閱鶯然嘆其
掌錄之繁富也遂取所輯覆加審眎名曰蜀典闕漏實多

不復增益付諸梓人非以爲糾謬非以爲補遺錦里新聞
旣異成式岷山異事或幾台符聊備庸部之故實資儒林
之公議云爾

扣舷唸草序

予辛酉冬赴玉屏任出都之日同季友賸詩祖餞者咸以
古循良相期許雖無似曷敢不蚤夜孜孜以圖副所望而
湯君勗茲尤直諒敦篤慮予事唸詠而廢案牘也贈章用
規臚哉良友之言不啻韋弦矣予何復竦肩擁鼻而競病
是爲夫予固勞人也長安宦學六易春秋自己未通籍返
家省覲塵容未洗卽膏役車馳驅關隴間者且半載客冬

還朝得與二三君子論藝數衽致足樂也曾幾何時又緇
銅而問女隤荒俗矣悵

君門兮萬里望

親舍於白雲予何能以忘情哉况夫古道寒煙雞聲催夢
沙飛月白草斲霜黃我勞如何幽怨實多又或高峯矗雲
驚濤拍岸汎乎中流長風振盪鬱然四顧心焉欲翼是則
不能已於言也不能已於言而言之又無文此其所以爲
勞人之歌與裒之凡若干首或得之車上或得之舟中而
總以扣舷名者蓋猶是蘇子渺渺予懷美人天一方之意
也

姓氏五書總序

姓氏五書者一曰姓韻二曰遼金元三史姓錄均以西夏
三曰姓氏尋源四曰姓氏辯誤五曰古今姓氏書目攷證
介侯氏曰姓氏之不講也久矣自今日而尋其得姓之源
辯其致誤之故網羅列代之賢愚別白三朝之氏族攷證
諸書之是非不綦難哉然而非難也其難焉者無讀書論
世之識無默識采真之才但憑謚牒之私譏未能實事求
是也或曰自漢至今姓書且溢數百種豈皆嚮壁虛造無
所依據乎余曰余誠不知人之何以嚮昧于姓氏而率臆
以言也王符應劭漢世之通儒也賈希鏡王僧孺晉梁之

鴻生也賈執何承天齊宋之博物也柳沖孔至李唐之專
門也王伯厚鄧名世趙宋之名家也所言姓氏畧而不全
且多差僻何況餘子余之從事于此歷有年所較之昔賢
增益引多似少違鑿不揣櫛昧用敢商世庶冀通因謹者
正其失焉

姓韻序

姓韻者以姓隸韻便于稽攷如柳燦姓氏韻畧張九齡曹
大宗姓源韻謹黃邦俊姓韻謹陳湘霖皆是余書自皇古以
至本朝自帝王以至庶賤自中𠂔以至蠻夷罔不蒐羅然
古今之人眾矣焉能備載凡史有傳祗道其畧或書其傳

外之事或攷其名字之殊地望之差而家誼之失實志乘之傳誣亦爲之覈辯至于怪僻奇偉之姓靡不甄錄凡得姓五千一百三十二內新補之姓五百又九刪除非姓者七十又六

三史姓錄序

中國之姓其易知者也尚有不可知者何況于外域魏拓拔秦乞伏涼禿髮夏赫連燕慕容周宇文原書有解故士夫知之若遼本無姓至阿保機取所居世里爲姓轉爲耶律又轉爲移剌譯語則劉也大姓蕭氏與后同族通婚姻然姓少易尋緒若金之始祖蒲描出自新羅至阿觸胡依

完顏部爲姓譯語爲王而有白姓黑姓之分宗室內族之殊其制書名不書姓則有猝難辨者惜完顏勛女直郡望姓氏謹不傳弗能悉其崖畧至元則更難爬梳矣據史太祖姓奇渥溫而楊子器宮詞注則云世祖姓孛兒只斤陶宗儀述蒙古色目人姓禁諱反不紀奇渥溫何耶各傳或稱姓或不稱姓或似姓而實名或似名而實姓雖由宋濂王禕等佯史草率未曾參攷實于繙譯有所不解故糾紛僻錯如此

國初秀水萬循初孝廉箸元氏姓畧粗具梗概未能精密西夏元昊自宋仁宗寶元元季僭號至寶祿三季爲元滅

傳十世凡二百五十八年之久本姓拓拔唐賜李宋賜趙然徧鄉不常傳于中國者多非其實或以部落爲姓或又不然良由僻遠荒陋事不稽古戎言侏僂莫能究詰矣余之爲三史姓也依據本史兼采當時人之箸述稍有增益其所不知則仍闕如後之君子尚其補正是所望也

姓氏尋源序

草木祖根山祖崑侖江海祖源不此之求是謂昧厥元誼牒家以百數孰能昌言天神靈而生子地廣厚而資始人殷殷而受氏或爵或邑或山或水或字或名或冒或徙不得其真知爲誰之考妣同一姓而出殊同一郡而望區數

典而忘祖籍談焉免其擲揄豈不悲夫史氏作傳但憑家
誼朝代差互官位僭午以祖爲孫以子爲父攀援公卿厭
薄卒伍抑收之臣著洛陽之士輕改其宗不翅毀其粟主
俎豆馨香鬼神其吐爰黃之亂嗣子姒之精苗列邦之胄
緒異域之枝條脰而颺蕃而椒繇而纘茂而彫雖英賢之
傳堙信爲粵胄之遙遙吹律而定五音自軒皇而非今今
世已爲絕學呂才惘疑于乃心烏知京房之卜卦指李星
而分禴然避仇而匿跡亦參養而受恩荷國寵而榮賜移
偏傍而更番嫌尊諱而改易奕禩仍復其牆垣余爲此書
必源其初士夫各有其冠裾農氓各有其耰鋤商賈各有

其珠貝工匠各有其繩樞離之不可瓦合合之不可瓜分如淄澠之不混如絲絮之不縈將以尋源于星宿庶私乘之可焚誰能知我後世揚雲

姓氏辯誤序

姓氏曷爲有誤也自姓氏書誤之也一則質其疑而創誤也一則踵其繆而沿誤也不爲之辯必且一誤而再誤也然有不得不辯者明辯之匡以有辯也亦有不必致辯者稍辯之不勝其辯也顏師古曰私謹之文出于閭巷家自爲說事非經典苟引先賢妄相假託無所取信寧足據乎是唐時已如此迄今日則更誕妄矣余之作辯誤也亦曰

使讀史者論其世不可不知人也使作誼者敬其宗不可誣其祖也豈好辯哉以誤故也

古今姓氏書目攷證序

姓氏書夥矣而精審者殊尠或闕畧不備或差謬失倫往往而然余所見宋元明諸書蓋無一可依據者因襲陋說觸目皆是不勝彈摘惟溆魏六朝人所箸頗爲的確然其時姓少易于推求惜其簡篇散佚不得全文無由知其梗概也今就箸錄之見于諸史志與行于當世者采先儒之成說加以臆見評論其得失而附之末卷

叢書序

往予主講蘭山書院譚菽之餘銳心文獻纂五涼舊聞四十卷網羅放失頗資攷證因慨前賢箸述日就堙沈乃按輯關隴作者羣周秦漢泉於隨唐凡得二十四種卽籍非鄉邦其書闕佚世所渺傳亦爲撫摭凡得十二種輒以謾聞疏通演釋而宦游徽纒匪弄在笥不復擘尋蓋塵邈矣嘉慶己卯歲奉

先大夫諱自蜀返里旋僑青門肱篋嗽几舊所丹鉛殆將淄蠹念昔劬錄巨令銷殘付諸剗剔藉質里儒匪以示海內羣雅也

肅令裕清河縣書城沿革表序

代芥航
河帥

坤輿有志自昔夥矣孟堅地理紹統郡國吉甫郡縣樂史
寰宇廣言州部無事縷陳卽潛氏志臨安圖君傳陳畱胥
有援引風俗爲多近代作者繁豈無人對山老功五泉朝
邑說者謂文筆簡質希蹤黃圖以蒙觀之其于經界脈絡
尚少爬梳他可知矣清河之置縣也始宋咸淳本析淮陰
沿及于元隸淮安路天厯被菑又復移徙明治泗口旋遷
馬頭迨本朝康熙閒屢圯于水藉隄爲障乾隆時桂林中
丞以境逼黃流對岸江浦大牙相錯乃請徙焉然界址糾
紛人士莫辨君卿通典之文以泗口在宿預而酈元言卽
角城引憲元和之志以泗水界山陽而范書謂是楚州覈

而論之清河乃兼有淮陰相隔祇南北之岸清口非并于
山陽並列有東西之城何庸膠漆自生葛藤夫臨淮之于
泗州一杭卽至有齊書可證泗口之于盱眙四至可驗則
歐恣爲誤或且以爲公路之浦不知乃是韓王之薤或又
以爲甘羅之城實則貫乎老子之嶺芟其枝說乃得地防
今子壺之纂此表也參稽史籍區別州域診其分據之故
詳乃沿革之牽康成之定疆里以目驗而知裴秀之分山
川因準望而得況又掌錄之書源原委于三國則塵霾之
事發矇昧于大清詎不與闕駟並肩足以令朱豐失色也
乎

詞林海錯序

將欲含英咀華而不提要鉤乎雖汗牛充棟無益也將欲
采奇伐異而不起例發凡雖錄掌題檢無當也往予簪帽
姓氏閩明夏氏樹芳奇姓通病其躋駿驎午復閱詞林海
錯其糾闕也亦然學使福禹門廷尉冊府羅罍鑪錘在手
工于數典善于辦多取其書分門別類繫件貫條囊之亂
鬚今乃受律艷如斑如賸爾灼爾俾讀者眎螺于仇列紋
于麋而其徵引之不祖原始者字畫之相沿魯魚者悉洗
伐之一歸正則此書遂爲定本可以餉遺學侶不復羨崩
通雋永之篇德璘侯鯖之錄矣某款啓無似辱命以校讎

色然而駭無能爲役謹箸先生編纂之功之勤如此而某
便便之腹有愧孝先巍巍之頭不及宣伯望龍鮪而不知
從獺祭以何補良自媿已時道光七年六月立秋之後八
日

代盧厚山制軍刻紀文達公批文心雕龍序

昔摯虞纂文章流別任昉作文章緣起剖析裁製義蘊無
遺梁陳之間鍾嶸詩品袁昂書評究其一端揚厥芳芬體
斯狹矣獨劉彥和文心雕龍殫各體之軌範標眾作之源
流誠操觚家之金鑑也曉嵐相國舊有批本挾其精灼指
其瑕類復于北平黃氏之注糾繩僞譌舍人之書乃雕龍

活現心耀行閒余得原本于其孫香林觀察爲之校槧以
廣其傳從此執林樹幟咸有準的別裁僞體燭火自消則
先生啓迪後學之心庶不至湮沒也

養素堂文集卷五

荅威張 澍介侯

序三

昭荅劉將軍戰功紀事序

蓋聞玉帳珠韜嫺陰符之六甲楓天棗地啓太乙之三門
故績偉猷於麒麟光生紫閣鐫茂勛於鐘鼎名上青霄然
攀大樹以望將軍指陳圖而思丞相率皆身經百戰聞金
鼓而長歌惠感三軍橫琫戈而起舞是則書數行於孫綽
反在生前紀遺事於郅冲不必身後矣若我昭荅將軍穎
思公者樂陵望姓涿野名門儀表沈雄丰神果毅讀書馬

養素堂文集

卷五

下

上清譚劍端多算邇權謀專精知良藥受風后之金法規
參井之鉞星莒國焦原卻行齊踵堯廟隋壁直上過尋名
怖小兒面形可以辟瘡呼隕偷賊視肉不啗飛仙世其詫
爲龍超人爭傳其彪怒爰以迺灶之歲卽膺翹關之科獨
邇孤虛偏工剡注遠門射法遠中戟枝養由箭神連穿楊
葉遂於戊申之載賢書以登復於己酉之年春官克捷
皇恩優渥

禁籞步趨近咫尺之

天顏沐九重之雨露觚稜日曉扶赤韉而馳銅漏箭沈跨
黃芝而去因之驛幾祕冊金籐玉版之文索隱靈鈴并女

黃公之畧每當酒酣耳熱擊壺拊老驥而吟霜厲秋空挽
弧向天狼而射蓋自信淮陰受拜定策珠盤車騎登壇推
功玉案也乃以

乾清門行忝期滿授襄陽鎮中營守備浪濶鱗舒颺高羽
展練兵如荼火布令似冰霜則形勢山川無勞聚米陳圖
蛇鳥不待合籠故聞丁旂之猛驍戢其跋扈憚韓果之勁
健徙乃氍廬時復拔璣雲亭吟詩雨館春秋肄試步伍應
規唱大角之歌姓名誌矢立鐵簾之格賞罰應期信無愧
細柳之將軍長松之都尉已當是時也巴棧雲迷襄江水
沸妖鳥競扇毒虺潛吹卒雖聚夫籠東城欲被乃簑笠君

則荷戈效命負羽從征手雙戟八十斤腰大弓三百石側

盾探穴超柵前禽虜苦蝘於溺中縛樊崇於戲下

嘉慶元年生擒

首逆賀人傑

營平受律羌罕料其犁庭李愬親師淮蔡聞而悸

魄軍門嘉乃丕績

天子念厥戎功遂有雲南鶴麗鎮左營都司之命既而餘

妖吐霧遺寇含沙房竹山青瀝川月黑抵根未殪而翼怒

牛角未殲而弭疆君則直冒槍雷平馳渠會遙擲銑銀仆

著絳之麻胡近擊兜鍪殪控弦之梟酋收苻融於渭水破

王邑於昆陽

生擒賊首張正謨劉宏鐸

皇心嘉之是以有花翎之賜

二年事

維時赤眉既喧於三輔

青犢復鬪於兩川鵠號魏興之樓烽連安康之壘君則勇
氣彌厲報國益殷卷甲長驅銜枚遠襲騰耀鐵歆金之騎
勒四甄而截其奔奮飄風暴雨之從然萬炬以蹙其逸遂
使妄人受戮于利趾蜀子被吞于瞎巴

生擒賊首劉超榮

由是草

木爲兵驚雪夜之驚鵬風霆助氣驅霜鎧之貔貅壘揭於
葭萌鋒交於梁廣九上九下操刺如飛百戰百勝摧枯似
葉蚰蜒築壘增右牝左牡之防鵬鵠揚旗成沃雪燎薪之
勢馬隆到西域而樹機破韋舉度鐵嶺而南番降

自楚陝入川至

三年在巴州生擒賊首羅其清其書殺賊首冉文儔不其然乎夫身居末將而勇冠
旌門位在支軍而謀參幕府此河州鎮左營遊擊之階大

吏奏之

天子允之與然且卽池之竅寇未除竇城之伏莽仍熾君
乃急繕其怒投袂未遑飢不先餐渴不獨飲攻堅陷銳批
亢擣虛桓桓焉剋剋爾厥項羽之飢釜舞袁紹之衝梯鼓
楊璇之灰囊置傅永之火瓠以故夙沙智絕飛燕塗窮繫
以終軍之長纓貫以俊臣之巨木而後宕渠爲之恬浪潏
山于焉息塵四年在廣安藏斃賊首冷天祿生擒賊首張長庚孰知驚鳥疑影逸
獸奔林仇池之山如城據之以爲天塹滄泉之水似箭壅
之不能方舟虎儼負其險嵎梟羣噪於高樹君乃九折叱
王尊之馭三夏嬰鄧艾之繇蒙雨而前如雷斯疾兔失三

窟鼠摧兩牙徵側爲俘驛騎致蠻銅之鼓崑尤被戮髀肩

埋濺血之墳炭厥之捷厥功茂焉是以有陝西波羅營參

將之除

五年事

在昔呂蒙以材智拔萃舍行陳而秉戎磨魏

延以勇畧軼羣自偏裨而登上將君旣總領戎旃師干甄

部乃益思按盪山魑糾虔水蠹爲拋車而繫雉尾縣殮石

而擊龍頭欲焚之而引入葭蘆鯨鯢焦骨欲覆之而蹴赴

羅畢鵬雀摧毛積甲則山齊澆瑩則海捧指捫則盡劉勁

敵叱咤則永靖祲氛遂乃養息桔槔臺成髑髏六麋膽墮

九虎威銷無異駟馬之載鴻毛奔牛之觸魯縞也

是年勦捕賊首

樊仁傑冉學勝殺獲甚多於戲廬山九仞難銘苦戰之功壽靡千尋尙

卷之三
作勤王之狀此晉洮岷副將固所以酬殊勲而調督標中

軍又所以肅戎行歟

七八年中事

今日者蘿圖奠定芝檢升封

五律成珍九河如鏡充國罷守邊之議去病免出師之勞
君緩帶投壺綸巾御士固宜卜丈人之貞吉何忽向鄙人
而泣然謂此涓滴微勞曾何補於疆場顧茲崇榮顯秩實
自出於艱難憶昔席敝褐寬賤子招龍鍾之笑風饕雪虐
王孫無乞食之門願示後嗣以徵實事余則以爲韓彭屠
狗英盧盜魁將相存乎自彊英雄賴有本色爰允敦懇紀
其委原况屬通家敢從緘默嗟夫紫庭囊筆曾譯隄官槐
構之聲歌鐵撻設經復寫公侯干城之茫烈世之覽者或

有取諸

王璞園觀察嵐谿詩鈔序

世徒以投匭藻吐奇芬爭捷於鞞鉢刻燭雅譔於含宮咀
商優詡詡然自命爲有學而診其大節處則無鮑焦林類
之介潔出則無國僑叔向之猷爲偶值屯遘又復依違煩
首罔生苟免不能效蔓子之刎頸先軫之震元是本原不
臣卽文齋龍虎詞成廉鰥終屬駢說是爲轂音奚臣與言
風雅哉靈石王璞園先生挺用世偉才貌端凝有志節性
恢張好客喜譚笑甚口每當賓朋宴集奮衷抵几縱論天
下事聽者掖耳忘勸語及忠孝節義則又慷慨悲吁如見

嚙齒裂眚握拳透爪狀旁人莫不掩袂雪涕不能自禁斯
其天性豪邁而真摯有如此者當金川之役先生由貴西
道鐫級來蜀赴登春行帳辦事大帥深奇其計盡泊木果
木師潰則淬磨佩劍使之犀利以地形不便率眾移營行
不數里番賊遮道先生躍馬揮劍奮擊所傷數賊衣血縻
糊賊蠡圍之猶馳突衝擊中銃而亾髮植如生其友成都
岳廷弼亦沒於陣

朝廷旣贈大僕寺少卿予祭葬賚蔭以慰忠魂而視死如
歸之概究未有爲之表襮者先生之孫階平明府宰江津
一日出嵐谿詩集囑爲點定余受而讀之神禱其詞靜謐

其氣一洗跼蹐之習藹然和雅之音斯其涵養又復靖冥
如此也余丁

先大夫憂匆匆返里集匪篋中未經付繳念先生敦圉毅
魄常留天地閒必爲國家隱消毒蠱殲厥妖魑與睢陽常
山抗衡詎區區以文字傳然有根之言究不可聽其堙沒
也爰序而歸之階平其閔免繼乃家聲

洪斐唐刺史巴音草序

不聞飄刁刁而露虺虺乎不聞烏秋秋而蟲慧慧乎猗禕
哉自然之音也浸假而托之于物爲參差爲長離爲國腹
爲居巢則必不能如天籟齊之人工謳吳之人工歛越之

人工吟楚之人工豔雖滔助連狝繁幽淫蠱要各本其水土之氣以爲音何居芟唐之非巴人而爲巴音也晉宋玉對襄王曰陵陽白雪朝日魚離和者不過數人芟唐得毋盡和者之寡而投以時好乎夫蠶叢之辭龍歸之曲斷樓之謠穆護之歌恐亦非聒者之所樂聽意若曰余宦于巴凡耳目所接無之非巴也不得不以巴概詩今卽其詩味之不穉琬文一歸雅道以眎昧五均而轂音者語難同率矣然則壯厲激揚廉悍清勦余安能爲秦聲哉

樊蘇邨詩集序

春秋說題辭云詩之爲言志也詩緯舍神霧云詩之爲言

持也禮記內則注詩者承也然則昔人陳事理章集微揆
著必言已志復有持其志者乃能羅列五際下序四始矣
漢中樊君蘇邨沈毅端亮翊實首公顧才高敷奇偃轡一
官時時操觚染翰抒寫鬱律前後出塞登臨游覽狀物懷
人則亢厲奮發壯邁激揚質有其文洗盡雕繪信秦聲之
能夏者也澍于此事苦未伐毛而平昔贅論竊謂詩必有
志斯爲有人味蘇邨之伯敷罔稔靈導宣窈與精悍之色
溢于楮墨彌令讀者把翫不忍釋手矣

張子白刺史梅屋詩鈔序

詩曷取乎取其持焉爾取其志焉爾持以檢性志以發言

則代馬飛鸞之章無傷連抃流水積雪之句何勞濯波故
盤靈吹簫遶古亦聞豔曲黃犢食草後賢復有從謠可知
四始源流正多派別六義根柢本白環深矣自人爭意製
賞好殊懷雜體庸音各爲家法偶宗漆吏卽爲仙心閒賤
蘭亭僂號絕唱元白未能壓倒徐庾尙隔由旬遂欲僕隸
風騷衙官屈宋彊吳邁而呼父召邢邵以擊牛其於導達
心靈敷陳器象概乎其未聞也子白刺史彊記三篋方聞
二酉經擘賈鄭續茂龔黃五緯在胷十奇名世豈直詞人
而已然其包蘊五際斧藻羣言山甫將明魯侯故實情源
秀逸連類含章思業高奇集微揆簪篇章之伯蓋非從然

今夫登粉詣之宛虹始知匏居之庠陋也觀春山之弄翬
乃見龍輔之玼瑕也伐姑繇于因氏伯尙望魁父而棄斤
矣掣摩竭于東瀛詹何向曉濤而收餌矣是以聽榮援之
樂入耳而聾瞶振披闔赤將之工飭材而鈇斲協度蓋屈
盧合潛而後鉅黍之名成盤郢蜚爐而後截鴻之鐫利况
夫大江南北山川鬱奇幕府鼓吹之峯長瀆下若之浪金
庭玉室之隩竹里荻城之殷與夫鶯花滿樹烟月盈舟朱
雀烏龍才人跌蕩楊枝桃葉佳麗笙歌竝足感激精微發
揚襄抱先生挺八叉之捷才尋六代之陳迹石頭潮打滿
眼興亡邗上草荒盈襟悽惻淋漓濡筆逸興遄飛矣時復

支筇領異蠟屐捫奇探高密金簡之書摸秦斯赤文之篆
豪情旣暢佳咏斯申又或興來訪戴道重依劉異苔同岑
驂鸞駕鳳亦復激揚鐘律抒軸袞期雄伯之宗當今孰匹
澍也心思牢落聞見柴虎寶但康瓠佩無迷穀遲刻粵燭
不及蕭君錯認雉斑人呼宋子質籀文黯良用慙慙乃荷
頒示巨集俾序簡端葉拱負膺未能騰奮雖然桐魚叩石
自以冥通牛鐸諧鐘詎無響感詩家利鈍可得肱言彼眠
姪之材辭尙神禱獵閭之士意謝丹青物不緯情詞不極
貌何異入裸壤而褫繡縠遇隼麋而卻鉛華乎卽或怙悵
寫情流于輕綺是豐藻克瞻風骨不飛亦振采失鮮負聲

無力又何異翦春花以娛童穉雕溝斲以紿鄉愚乎沈隱
侯云天機啟則律呂自調六情滯則音韻頓俛亮哉是語
可告風人今卽刺史之集觀之運氣慨慷樹義精灼扶疏
指事昭析驅辭古體之流希蹤漢魏焉至于繁音幼眇緝
采配藜雕績溢芬菱莢程豔近體之製方駕齊梁焉信可
以舉牢八極擗綽三雍響絕淫哇聲規正始矣雖復倬偉
在今必且謂幹以風力潤以丹采味之無極聞之動心者
也

朱香初嶠山詩序

國初嶠山詩五言長律以亭林翁山爲最而顧伯尤嶠山

之性情匹寒色正字挾秋霜時罕儷者憶余于庚申歲憩
玉泉院與友人王茂苑劉俠君裹糧造山椒宿落雁峯偶
于五鼓披衣觀東海出日如嬋車輪紅似焉支色于波心
軒蹠海水歎涌百寶沖瀾恍聞天雞鳴樹偃擬飛身到羲
和邊也思伯觀日篇紀之而意想平庸未能敲玻璃聲而
止今讀香初礬山詩拔奇弄人之外接羅繁富雕鐫盡態
儼是一部圖經未登蓮峯者讀其詩不啻臥游矣

楊慶弇明府古浪峽紀夢詩序

粵聞羣蹠馬鬣難並川遠玉燕金蠶易羅蔓草故耶與歌
罷莫尋蜀姬之崩威斗掘來誰識甄邯之兆然臨江女子

泉室猶戀臂環沛國婉妹靈魂依乃宰樹雖神女風雨當
避灌壇之威而李娥竈爐久崇宣城之祀此我楊侯紀夢
詩碑之所爲作也說者謂登城而呼悉黎丘之幻惑執幡
而立又吳蒙之囁言不知骨掩甄舒卒冠而謝溷南裳聞
泣婦蘆杖以訓士仁蔣領軍之愛男祈孫阿而曹轉錄事
墨公允之季弟感遼令而棺出洪波自昔有聞於今可信
澍有意徵人無能占瘳譯元州舛營之梵徒唵趾離考
節縵文之匪曾記冥漠裁以短什比於干寶搜神傳諸方
來不同曼倩罵鬼云爾

郭千里詩集序

代吉安守
劉梅坪

夫在心爲志發言爲詩集微揆著連類含章其在茲乎而或負奇弔詭隱僻艱深隸事在稗官澀音如鷲鳥則其去風雅也不啻千由旬矣丹徒鄧太丞先生弱冠負雋才飛聲黌序漁獵百家而以其餘力爲詩風行水上月印潭中蓋以清氣爲君者也歸愚沈尙書旣序其詩復爲仵傳以著其行誼之敦摯雖健翮未摩雲而黃河遠上之句爭品題于旗亭先生亦可以無憾泉下矣是集乃其孫小巖廣文所輯從灰燼之餘得之從此流傳益遠世誦清芬吾尤以嘉小巖之善述云

郭立參舫樓詩集序

含神霧之言詩也曰持說題辭之言詩也曰志無其志則
溝斷無與于犧尊也無所持則免絲無當于緘繡也然則
操觚者曷可少內心哉丹徒郭立奎先生讀書負氣節酷
嗜吟詠一時鉅公皆引重之辛孚雪贊見推桓允羅隱松
詩被知昭德沒後集遭焚而其孫小巖廣文痛珠光之沈
去冀劍氣之飛來于破篋廢紙中揆得手蹟驚喜欲泣墨
尋餘貶字辨殘蝨釐之診之梳之緝之其錄得若干首將
付之梓以永其傳襲美之後不墜松陵閭丘之孫克藏石
屋余乃深矧小巖之能紹衣也方小巖少時母李氏質釵
購帖督之作楷小巖散念鑿楹時摩遺所不自訾竊遂工

書畫而其詩復駿駿度騁驪而前𠵽𠵽破蟋蟀之聽謂非
階稟于先訓乎吾觀郊寒島瘦諷誦于菽林白俗元輕流
傳于奕葉矧立身詩之自寫胸懷不襲窠臼所謂洗盡鉛
華不嫌素面斥佗腥膩獨甘清澹非猶夫撫摺者之爲之
也烏得以其少而輕之世有知言或不以余爲妄詭

節孝林母鄧孺人詩序

夫閨閣豈尙奇行哉不過孝尊章敬夫子教兒女睦戚鄰
諸大端能事畢矣或者以其庸行無奇而薄之則惑之甚
余觀中壘所紀蔚宗所書要皆淑裔柔嘉平均聖善貞心
內映素節外章卽足爲女宗固不必截髮斷臂化石積城

始稱賢媛也瀘谿林母鄧孺人者監生用晉之母以節孝
例膺

旌表亦足以慰其苦懷而儒人墨客咸重其節競爲詩詞
以襮揚之斯亦善善之意也夫衛風柏舟乃其姜之自誓
箏歌陌上又羅敷之自明亦與陶嬰黃鵠同其悽楚韓憑
烏雒其乃悲酸耳而士夫之投匭奮藻激揚貞風者何鮮
也然湛生龍憐之解張林陳姆之碑未嘗不寫冰雪之心
肝著松筠之節操夫亦曰竹畱淚痕燕繫孤縷其感物猶
如此而況于人之歛遲自有不約而同者乎用晉以所哀
集詩若干首示余余嘉生之念棘心而情惻拊熊丸而志

奮也爲序以貽之

陳兆常印誼序

周卂鄭註璽節今之印章也衛宏曰秦以前民皆以金玉爲印龍虎紐惟其所好吾丘衍曰漢有摹印篆其法方正王球嘯堂集古錄所載古印正與相合凡屈曲盤回唐篆始如此余按古無押字以印章爲信漢晉用白文大不過寸許唐用朱文古法漸廢至宋南渡絕無知者故宋後印文咸大謬夫秦有八體書三曰符刻卽古所謂繆篆五曰摹印蕭子良以符刻摹印合爲一誤矣余所見楊充一集古印格王厚之復齋印誼顏時夏古印誼吾丘衍古印文

趙孟頫印史皆載前人之蹟今日去古愈遠而印章必篆
方墳之法必本秦漢世多以篆入楷吾所不安而刻印倣
古則雖奇無碍也陳君訥彞集其所自鑄爲印謹古健樸
雅非故佯爛碎湧滅以爲秦漢者李陽冰曰摹古之法有
四曰神曰奇曰工曰巧於戲若陳君可與論此矣

楊對山廣文印彞序

小學之敍亂也久矣史籀秋胡之人沒爰歷滂喜之篇亾
而後儒篆隸輒以意爲增損浸假而失其真則乎尋形混
宓慮音同陳陣忽分再再莫別李丞相以東伯采蔡中郎
將豐伯豐無怪六歲之禾訓同于導八寸之策執異爲宗

此所以仲翊斲柳耶之失元凱定門閤之真也對山學博
熟于蒼雅精于雕鐫凡七發之肯毋新書之駟牙元常之
芟蕘逸少之郗公皆悉其更變之原遷流之故而復究鳳
凰垂舌之誤義關靈寔鉅寇之怪名可謂知本者矣而以
餘暇成印藁一書不以斲爛爲秦澁不以纖巧爲唐宋豈
與昧篆字而論且明守籀文而惑由櫟者可同日語哉某
素嚮螭扁罔知皂牋背公爲私雖屬會意反正爲乏莫喻
辯方撫是謹也但覺覲非爪展咸有依據嘲潔昭隔不是
憑虛彼以箴于爲單于壺关爲壺矢者可以息喙也已

王氏璽修宗謹序

代劉輩簡觀察

嘗考世之有繫惟天子諸侯氏族未分工史錄其屬牒以
備參稽故嬪代生卒具詳之筴而庶姓庶官則不能有宗
祝之記自宋人翔族謹衡門曲竇皆得張其謹於亭雖厥
事有越而義則原於先王睦本之遺焉然吾觀蘇氏之謹
以一姓爲九宗上自高祖下逮子孫毋論仕隱賢愚不肖
而各予以系雖味道之貴不載於謹亦曰親盡則畧爾今
之爲謹者不然賢如子鸞貴如梁公雖遠而必紀否則曾
祖考至邇猶且忍縮不肯著錄以爲此何足爲吾謹光因
之冒他族名達自詡茂族而遙遙攀冒取誚通人斯其庠
識何如耶唐時岑文本令狐德棻奉詔輯天下碩族合九

百二十三姓一千六百五十餘家而分之爲誼一姓之中
弟取其賢而顯雋而有才望者箸於篇名曰世族良異於
宗誼也而修宗誼者反襲之顧嘗按族服之制四世而總
至六世而服絕則親由是盡彼棄德曠宗塞源拔本者無
論已稍念屬派因其禮降而情亦殺則不勝淪遺之感由
是觀之族誼之設烏容已乎茫威王氏世繼青箱蔚爲望
族棠蔭先生以禁垣詞臣出牧山左功業文章灼耀閭里
其子姓皆敦說詩禮克紹箕裘聿溯其始則遷自太原掄
書先生念其離渙聯其繇乏誼以糸之俾遠有稽而近可
述一洗猥俗混冒之習而其七世孫孝廉曰慎愚有闕逸

因昔牒記以補其世數之未具者予分符甘涼久耳孝廉
之文行暇日以謚示而索序諦觀之簡而覈詳而有要使
煩有所總散有所紀信乎有其作之必有述之者與予嘗
嗟似續相承繼志實難往往有先世篤睦敦叙一本而後
嗣不克負荷至不恤其瓜瓞何有於故紙之句繩然則孝
廉之仰緒先志可謂賢矣後之觀是謚者可勿思艱以圖
易哉

王氏重修宗謚序

嘗讀晉風椒聊咏其實載歌周雅瓜瓞紀其縣可知良治
良工裘箕必紹肯堂肯構塋茨是因此三閭大夫所以渢

苗裔兮亭耆老所爲誇蟬嫣也然自合族之誼出而通宗之習開竊史傳爲紀牒之光盜聲華爲門第之盛崇韜末族希附代公成紀高門安緣輔國比之攀蘿附葛旣屬無因等諸傳老合韓又疑非類雅亮之士每用噉然今夫百川雖眾衍波各有源也萬木實蕃遠條各有茲也馬頰胡蘇皆源於星宿琴音草響總出自聲風白馬非蒲類之波黃蛇豈若鸞之葉安可以仲翔戲語定爲芝醴本然哉式觀古初夏稽周制世繫有工史之記昭穆爲宗祝所書降自春秋猶重氏族叔轡徵獻於平舌敬仲協卜於鳳鳴夫概去邦故姓可考輔果別族舊氏難刪誰則如籍氏之數

典而忘公索之臨祭而忽者自李唐以地望別貴賤夾漈
撰姓氏明源流寒族單門遂渺絕已在前謝眺稱太傅必
曰宗袞少陵贈杜位亦號吾宗誠不同巫趙之妄扳混元
之假冒也蓋會稽黃渥可宗婺州而樞密狄青難仞梁國
此其較然者矣時中先生江左名家琅邪世胄青箱學富
黃谿風高室有傳經之堂詩有述德之什雖昧汾隅之鼻
祖堪爲塵邈之耳孫乃因掄堂先生之謚續而編之以誦
清芬用揚先烈鄙王源之虛託胄效蘇洵之修睦族亭
可謂不愧繩其有昭貽厥者也嗟夫公族之後降爲阜隸
血屬之親視若路人人異世殊恍他鄉而異縣名湮迹陋

儼異派而別根有同敝簪之遺疇爲本支之篤則覽是誼也苑喪孔懷配吳邦之文萃忠厚行輩有叙合梁代之甲乙丙丁豈不盛哉

劉氏家誼序

余聞之稚川曰景無違形之狀名無離實之文故無源之水不能揚長流以東漸非時之蔀不能稽輝藻于久霜是以覽閬風之隄峻而謹其基之崇厚也觀建木之竦標而卜其根之邃深也自世尙握齷俗趨薄礫先人之栢椿無望其占護先人之肸鬻無覲其源鬱矣而欲窠世蟬嫣以滋大雲初是猶致遠而乏吉良之藥怒飢而卻祝餘之饋

也雖愚者亦厭厭其不能吾邑劉君士銘博士弟子食餼者也其爲人翔實而竺茂矧匝而莊愼不僕邀不訾窳而教子弟也以灋其美詬者則姍啞之其聊浪者則排塲之其鼓厲而不逋蕩者則孟晉惠悉之又時懋戒以勿近與渫克繩祖在儼所謂無忘塵邈者與君之先爲晉人其隸涼籍也則自明始崇禮公以安宅指擲縣車後契地于斯聚族于斯生子二長入成均次游蠶序世德清芬塗人爭豔至國朝初岡公登戊午賢書而子孫或試翹關負米之科其字祥麟者乃君之嫡祖也究心五石五芝延先世俞拊之傳有子六人咸密遵家則無敢驛突以速鑿于躬者

長時六爲君之世父次權仙卽君之父也君昆弟二人後
享蕃衍子姪稱姬一洗委巷鬪鱗之習比之赤水三珠瑤
林八桂信無慚焉今夫蘊希聲而待物者蚪鐘之湛霜也
懷精采以分形者鸞鏡之含日也倘使處庭闈之內無公
紀之丹忱同懷之間無子威之義讓必不能投杜孝之魚
服魏霸之糠進德仁之果共伯淮之被非惟惡歌鸞乘行
慚康渠亦何以妥先靈而令宗俦使葉萬子孫不騫于義
不隣于劫有所衛遜乎故曰重本者繇嗣系之嚆矢也輜
財者鼓佗人之筦籥也昔元方念祖而刺史繪像子威篤
親而奕禩佩符非其表詣者歟

姚伯昂中允桐城支誼序

夫河分九派導星宿以爲源山積千峯祖崑崙以引脈是則空桑伊尹必非無母之兒獵騎沙陀未是諸耶之子故
予亭耆老載詠蟬嫣楚國詞宗興懷苗裔豈非椒聊之寶
蕃則必疏瓜瓞之繇生亦或繇乎桐城姚氏者邑之望族
也穆行頤德豔溢閭衡善政雄文芳垂載籍遙遙魯濟
濟冠裳不同滿奮末孫于何推校亦殊狄青先世無由參
稽而其始蓋由浙之餘姚遷焉吳興之水不竭瑤源皖公
之山仍抽秀葉潏濮陽之鼻祖系衍軒皇問媯墟之耳孫
易受京氏蓋于今繩繩緝緝殷殷矣中允伯昂先生

學本鴻通官居切近諳摯虞之昭穆襲唐相之清芬啟新
阡於北平懷舊兆於南國因有姚氏支謚之作在昔爰劉
之世金張曾去其井鄉典午之年陰劉亦違其墳墓非必
徇讐言于青鳥棄老屋於白牛也夫玉田誰種采之皆雙
圭若木何薨舒之咸四照倘芝醴之不謝自根源之長豐
何必樹表郭翻時依宰木桴經周燮永守荒塋先生之志
殆如斯耶然或世繫不明派支罔別沈約自序混汝南于
平輿魏收成書隔無知者五世猶眯目而道黑白沿譌而
呼素青則奇章貽牛馬之嘲德平招麥豆之笑矣先生是
謚因親及疏詳近略遠爾蘇氏塗人之繆語羨吳生累葉

之聯情做坳注于裴松備家乘千庾峻嶺藏紫研時描畫
于甘蟲書積青箱謹栽培于棗樹龍眠之雲入夢燕市之
馬空羣可謂貽厥孫謀繩其祖茝者也某以墨守何曉觚
操先生囑序其端有顏乃覲補敦煌之實錄亦溯家風尋
守素之前書竟少舊帙讀是誼也如披應劭之宗圖金光
啟瑞恍閱揚雄之家牒奇字畱香云爾

潘后生考功荏威耆舊傳序

夫朝代有遷移而山河不改風雷有喧寂而日月常新豈
非精氣所結融而光暉難翳掩乎若乃砥行礪脩名不出
于閭里宣風布化功或湮于竹汗將使夢中之人披髮而

叫泉下之鬼獻書以求毋亦學士之深蓋後進之大耻與
試觀益部陳壽襄陽鑿齒陳畱蘇林豫章熊默咸有耆舊
之作所以章志貞教蘭微顯幽宣暢芳徽昭垂烏奕生白
骨之毛髮慰黃墟之營魂豈徒臺卿錄三輔託之予明朱
育對濮陽奮彼文藻哉吾涼自瀝菴開郡代多閭人段紀
明之戰功方蹤召虎而其弟煨復效忠于板蕩賈文和之
秘計可亞陳平而其孫疋又著績于邊陲尹鑒尹澹禮賢
愛人興貴修仁尊主伐叛以及陰子堅之詩句匹于何遜
而灝伯瓊林宏伯易義播名于陳梁李君虞之樂府被
之弦歌而巨川記室契虛高僧擅英聲于河洛載在往牒

難悉數矣自時厥後音稱寂然豈川嶽之不靈實掌故之
多闕澍每廢書而歎擲筆而起輒欲斷古今之案發天地
之房勒成一書追昔作者而一行作吏此事遂荒吾友潘
后生考功胷包因謹筆凜陽秋思古發情懷舊摠念爰自
國朝精加掌錄凡偉人傑士孝女貞孀罔不甄綜平生綱
羅梗概或采故老所說或據志乘所書要皆名成于結髮
論定于蓋棺不同汝南之評改移月旦鄭凱之對泛及古
初是眞考獻之鄧林徵文之閭苑也嗟乎珠璣玉考物少
全美之資獸足禽毛天無兼予之質此之所錄或文無害
或在不驕或介而孤或貞而忮雖未儕之中道亦足拔于

凡庸激薄回濂中流之底柱矯貪厲鈍廢疾之泛鍼考功之著書其此意也夫

重脩興文縣志序

唐杜君卿有云言地理者在辨區域徵因革知要害察風土李宏憲云飾州邦而叙人物因北墓而徵鬼神乃言地理者通弊至於井壤山川攻守利害反畧而不書元和宰相之言施于譏述者如此興文昔爲都蠻地九絲陵霄之故壘思晏柯陰之荒城卜漏哆剛之餘裔省吾草塘之膚功俱堪憑弔以資借鏡敢謂邊隅鄙吝不屑哉守斯土者旣欲柔獷盤獠狃之習莫先扇質樸敲懲之風庶幾鴟梟

草響人文載與余以僕邀攝篆此邑日覩

聖天子景邇鴻鑠海寓收靈兆姓阜康俊髦翹秀幸得茹
冰蘖寡僭鄧于讀灋之餘披覽志乘知爲余風樵張楚黃
諸君所新修嗟其條目義例簡而不紊符往詁紀載之體
適紳士問序于余輒書此應之以質諸知言者

代文觀濤明府重脩南昌縣志序

夫爲政有脈枋焉其精神貫注乎弼教明刑而外無弛張
變更之跡則志其爲治之魚筌乎然爲政有模範焉其措
施在于靡頑礪鈍而動合阿廛卓魯之風則志其爲治之
龜鑑乎唐李吉甫有云今之爲地理書者往往說機祥而

徵鬼神愛鄉邦而敘人物至于山川險阨攻守要害反略而不講元和宰相之言其尤切中後世縣志之病也江西爲東南一大都會列郡十四縣七十有五而南昌爲首邑與新建分疆而治觀其山川雄秀人士炳章戶口殷阜田賦浩穰甲卒星羅關津棊布信赤繁之區也舊有志創于乾隆辛未脩于甲寅迄今歲月塵邈掌故缺略前令阿君鏡潭承中丞檄纂脩未藏事而厭世識者惜之余于甲申春由龍泉調匡邑簿書之暇與邠之顧彥徵文考獻覈實訂譌越稊而成四十五卷凡所援引悉有依據不濫不遺大致典確則諸賢匡襄之力爲多余不敏藉以考鏡爲一

方興利除弊上以副

聖天子惠鮮懷保之仁下以酬各大憲勛勉成全之德豈徒豫章有書洪州佗記與前詰之摛文投藻者爭短長哉

代霍松軒明府鄱陽志序

歲在道光之二年余調繁鄱陽下車後字良芟蝨庶務未遑稍暇閱縣志則自乾隆十四年重脩後至今歷七十餘年深慙文獻堙沈掌故闕畧傳聞失實積久滋疑罔以爲考鏡之資適大府允台省紳耆之請續脩通志余以爲縣志之脩在此時矣旣爲勸捐文以助費又延鴻碩肩總脩分脩之任復選誠腐分城鄉采訪之事旋卸篆運木北上

迨差竣還省又調任新建而鄱陽之紳耆以新脩志來且
請爲之序夫縣志之最著者蓋莫如吾秦矣韓五泉之朝
邑志康對山之荏功志呂涇野之高陵志胡可泉之秦州
志趙浚谷之平涼志喬三石之耀州志皆事核文典有三
輔黃圖遺意他志不能與之埒者則增飾之病也然則志
固貴乎蒐羅而辭尙體要又不專以鋪張爲能矣矧鄱陽
山川清奇人文秀茂物產殷阜據實書之固自陵跨上國
平余雖不得與于珥筆之役而覽之終卷鶩然秩然無濫
無遺抑亦可以追蹤前詒備職方之采擇也已卽愜予懷
遂不辭序之以塞眾請焉

代趙及莽重脩大足縣志序

戊寅夏介侯來署大足相見驩甚余以縣志陋畧託其夏脩迨歲暮余回任介侯移署銅梁旋調辦秋闈事竣復委署南谿蓋勿勿無暇畧也頃以書來並寄示志藁其言曰世之爲志者率詳今而畧古廣分門類矣撫雜事於本邑掌故反多遺漏如天文分野本主省郡乃至小邑指一星爲屬此陳卓張璠未有之說也且地理不紀四至八到山川不言險要攻守之畧紀人物不詳行誼專取他邑尊顯者入之以爲榮濫收風雲月露之詩文以侈卷帙此通弊也味其言可知其書之得體要矣夫金石之文往往與史

傳相證據且足以補史傳之缺如昌州刺史韋君靖宋王
象之輿地碑目考以爲韋靖本朝康熙時四川通志乾隆
時洪編脩亮吉府廳州縣志均沿其誤蓋君靖其名非以
君爲稱猶唐王君龜李君羨之取名耳然新舊唐書皆無
君靖名今介侯按得其碑乃知平黃巢韓秀升高仁厚之
亂勲伐卓爍不獨築永昌寨爲功于昌州也而范淳夫先
生古文孝經刻亦出於人間筆蹤雄偉勝于黃山谷殊可
寶貴其他多有關志乘擇尤雅者箸錄于篇至其分類簡
該文詞質古覽者當自得之介侯乃諄諄囑余點定嗚呼
余何以益之哉

重脩大匡縣志序

嘉慶二十三年六月趙君及莽奉調簾差委余署其篆相見謂曰縣志前此奉檄修顧余心弗慊未付槩子盍爲之更纂余諾之旣而取眎其藁則缺漏冗俗如其所言案牘之暇輒作數紙旋移署銅梁公餘亦載筆數月復調辦秋闈未竟也揭曉後棲遲廨邸人事聒聒夜雨挑鐙乃得成藁按大匡置自唐乾元元年屬昌州光啟元年徙州治大匡宋曰昌州昌元郡治元州縣俱廢入合州明洪武四年復置屬重慶府今見其山川雄厚土地沃衍古刹廢寺碑碣宏多當日一浩穰區也第宋時黎伯巽之靜南古志弗

存徵文考獻率從闕如洎本朝康熙二十五年榮昌令兼
攝大邑縣事史君彰稍次舊聞彙爲一帙乾隆十五年邑
令李君德續脩之曾見史藁所謂存什一於千百也而李
志亦復簡畧無體余之所簒不知於黎氏何如以眎史李
二家或有逕庭乎書此以復及葺尙其糾余謬焉

重脩瀘谿縣志序

往者丙寅歲予游江右喜其山水刻露人物清粲囊萃者
久之乙酉五月選授吉安府之永新將一載以前任欠隨
漕款被議旋開復于丁亥冬題補是邑戊子四月履任入
其境山則崢嶸水則瀨潭田不沃饒產不阜頤而士習民

風頗爲淳樸色爲之懌眎事後取縣三志閱之支蔓叢芳
漫無體製深病之急欲改脩而原任蒼梧大令董惟林君
以其業來大都沿襲舊編祇增益人物百十耳唐杜佑有
云言地理者在辨區域徵因革知要害察風土李吉甫云
飾州邦而叙人物因丘墓而徵鬼神乃言地理者通弊至
于丘壤山川攻守利害反畧而不書本朝萬季野斯同云
著地書自有體要或其人其事無關地理不容闌入而張
南軒謂脩志不可不載人物典型繫焉世教補焉此則儒
生之見以此點綴郡邑志則可伊昔通人之論如此今予
之脩此志也亦不能不叙人物而芟其贅疣並刪其驛冒

尚覺太溢嫌于仍貫蓋猶有人之見者存也然體例分明
事跡該括不取燕說郢書不爲鉤章棘句庶幾有裁制矣
邑人士之知言者或不以爲河漢平時太歲在屠維赤奮
若皋月星翼曰

福禹門均藻述序

昔升菴楊氏以鴻鑠之才投爰荒之徵藉管城之喙寄苑
積之情駒景旣消箸錄遂富其均藻一編亦爾時所纂也
顧胠篋無儲搖橐卽寫雖有行秘書之識記亡篋之聰而
意緒蒼涼頗多僂錯然其揆奇索奧領異標新亦足供詞
林之漁獵矣學使禹門先生殂愛其書爲之釐參差補脫

扁正貶謬竝注其出處之原委而乘以行世某嘗警明人之學半係耳食未嘗淬掌蕘心染丹炳燭沿襲陳言靡所決擇故所作皆條流粉糝事跡垂午升菴于時最爲雄伯其所纂輯有食蹠集腋之能無鏡日卮蓋之譌非以學有根柢故耶今先生囑序其端輒據私臆發此慨慷知必不以此言爲讐

射藝全策序

宋陳康肅公善射當世無雙每以自矜常射于家圃有賣油翁釋擔而竝久睨不去見其發矢十中八九但微頷之康肅問曰汝亦知射乎吾射不亦精乎對曰無他但手熟

耳康肅怒翁乃取一葫蘆置於地以錢覆其口徐以杓酌
油瀝之自錢孔入而錢不涇陳乃笑而遣之旨哉翁之言
熟也與莊生之所謂解牛斲輪無異也通斯意者可與言
射矣余于庚申秋假滿將還朝道出寧陰而厚菴以所著
射法全策問序細閱之嘆其良工用心獨苦學者能卽其
成法而操之以幾于熟必有先中中者矣不然自多其技
謂可以貫兕甲徑革盾也是但知射之射而不知不射之
射也則殊失厚菴著書之意也